




Ղարս . — La ville de Kars.

հոյակապ եկեղեցի , որոյ գմբեթ անկեալ է , և անտի հօշոմն գեղձն , և այլք . յօրովագոյն ևս յայսպիսի շինութեանց գտանին 'ի ՀՕՐԵՎԷԼ վիճակի , որ է ՀԻՌԵՅՆ հին , յարևելից վանանդայ և 'ի մօից Ախուրեան գետոյ , որով զատուցանի 'ի բաժնէն Ռուսաց անուանի արգասաբերութեամբն յաւուրց թողանցն հայկայ , 'ի շատակերն Շարայէ առեալ զիւր անուն . զոր պահէ ցարդ գլխաւոր տեղի վիճակիս Պաշ-Էօրէիէ աւան հուպ յԱխուրեան , որ 'ի հնուն հօշէր ՀԻՐԵՎԵԿԵՆ և ԵՐԵՉԳԵՒՈՐՍ , ուր նախ նստան Բագրատունի թագաւորը , և կիսականդուն կայ 'ի նմա տաճարն մեծագործ զոր կանգնեաց Սմբատ Ա յամին 897 : Այլ վեհագոյն ամենայն ձեռագործ յիշատակարանաց վիճակիս և յողունց դաւառաց է

39 . Անի յետին գահ և պատուար Այրարատեան աշխարհի , գեղեցկագոյնն ծանուցեալ և սրբազնագոյն քաղաքաց նորա , սիրելին սիրալին և տիրալին շինավայր հայոց , և թերևս կենդանայուն և սրտառուչ ամենայն աւերակաց . որոց 'ի հնգից դարուց հետէ համբաւեալ ընդ ամենայն հայս , և իբր 'ի քառասուն ամաց յԵւրոպէ իսկ շարժեալ ոչ փոքր զարմանս , 'ի բազմաց հետաքնին արանց մերադնէից և օտարաց քննեալ և տեղագրեցաւ , թէպէտ և ոչ ըստ իւրումն արժանոյ բաւական զննեալ , և բացեալ դերբկայն 'ի գիւտ հետոց յատակին և նշխարեալ մնացուածոց .

բայց զի յամաց հետէ և մերայոցս ընձեռեցաւ նկարագիր տենչաւոյն նոցա 'ի վաղուց (1) , ոչ զամենայն մանրամասն կամիմք աստանօր տեղագրել և արձանագրել , և ոչ դարձեալ հարեանցի անցանել , մանաւանդ զոչ ցարդ հրատարակեալ չափս տեղոյն և զտեսարանս նորին : Արդ կառուցեալ կայ Անի 20 մղնաւ հեռի յարևելից Ղարսայ , յաջմէ Ախուրեան գետոյ , 'ի քարուա բարձրաւանդակի , վերացելոյ 4380 ոտս յերեսաց ծովու , յեռանկիւնաձև իմն թերակող զւղջ զոր գործեն ' յարևելից կուսէ քարաժայռք խորացեալք ձորաձև , զորով փարի գետն իջեալ 'ի հիւսիսոյ վիճակին , և 'ի հարաւոյ խորածորն ընդ որ խաղայ Ախուրեան 'ի խորուղ 2-300 ոտից , արմունկն գործելով յարեմուտս կոյս , և յայսմ կողմանէ պատի (յարեմուից) լայնագոյն ևս ցամաք Ձր Ծաղկոյն որ և Ծաղկոցածոր , և ընդ հիւսիս կոյս խորորեալ հարեմայ խառնի ընդ դաշտագետնին , և անդ գլխաւորն անձուկ հիւսիսակողմն եռանկեան քաղաքին . և զի ձեք յայնմ կողմանէ ձոր կամ գետ , կրկին հզօր

(1) Պատմութիւն Անուոյ , տպագրեալ 'ի Ս . Ղազար . — Բաղնավէպ Օրագիր , հատ . Դ . 324 . Ե . 5 .
— Հայաստան Լրագիր , թիւ 44 . յորում տարագրին և շքովայրք Անուոյ , 'ի թիւսն 127-179 , և այլն :